



Broj : 01-02-26-1-024-II/10  
Sarajevo, 15. decembar 2010. godine

Na osnovu člana 25. stav 1) člana 42. stav 2) Zakona o konkurenciji ( „Službeni glasnik BiH“, br. 48/05, 76/07 i 80/09) člana 116. stav 2) i člana 210. stav 1) Zakona o upravnom postupku („Službeni glasnik BiH“, br. 29/02, 12/04, 88/07 i 93/09 ), rješavajući po Prijavi koncentracije privrednog subjekta Privredno društvo za preradu žitarica, brašna, proizvodnju prehrambenih i konditorskih proizvoda, ugostiteljstvo i turizam, spoljnu trgovinu i trgovinu na veliko i malo Klas d.d. Sarajevo, Paromlinska 43, 71000 Sarajevo, i privrednog subjekta SPRIND Sarajevska prehrambena industrija d.d. Sarajevo, Rajlovačka cesta b.b., 71000 Sarajevo, zaprimljenoj dana 05. oktobra 2010. godine, pod brojem : 01-02-26-1-024-II/10, Konkurencijsko vijeće Bosne i Hercegovine je na 6. (šestoj) sjednici održanoj dana 15. decembra 2010. godine donijelo

## **ZAKLJUČAK**

1. Odbacuje se kao preuranjena Prijava koncentracije privrednog subjekta Privredno društvo za preradu žitarica, brašna, proizvodnju prehrambenih i konditorskih proizvoda, ugostiteljstvo i turizam, spoljnu trgovinu i trgovinu na veliko i malo Klas d.d. Sarajevo, Paromlinska 43, 71000 Sarajevo, i privrednog subjekta SPRIND Sarajevska prehrambena industrija d.d. Sarajevo, Rajlovačka cesta b.b., 71000 Sarajevo.
2. Ovaj zaključak bit će objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

## **Obrazloženje**

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 05.10.2010. godine pod brojem: 01-02-26-1-024-II/10, zaprimilo Prijavu koncentracije ( u daljem tekstu: Prijava) privrednog subjekta Privredno društvo za preradu žitarica, brašna, proizvodnju prehrambenih i konditorskih proizvoda, ugostiteljstvo i turizam, spoljnu trgovinu i trgovinu na veliko i malo Klas d.d. Sarajevo, Paromlinska 43, 71000 Sarajevo ( u daljem tekstu: Klas), i privrednog subjekta SPRIND Sarajevska prehrambena industrija d.d. Sarajevo, Rajlovačka cesta b.b., 71000 Sarajevo ( u daljem tekstu: SPRIND)

Uvidom u dostavljenu Prijavu kao i uvidom u evidenciju Konkurencijskog vijeća, ustanovljeno je da je Konkurencijsko vijeće dana 12. avgusta 2008. godine, pod brojem: 01-06-26-033-II/08 zaprimilo prijavu koncentracije istih privrednih subjekata, odnosno Klasa i SPRINDA.

Rješavajući po prijavi koncentracije, broj: 01-06-26-033-65-II/08 od dana 12. avgusta 2008. godine, Konkurencijsko vijeće je rješenjem, broj: 01-06-26-033-65-II/08, od dana 06. aprila 2009. godine,

predmetnu koncentraciju ocijenilo nedopuštenom te izreklo novčanu kaznu privrednom subjektu Klas i ovlaštenoj osobi gospodinu Vahidu Pašoviću, direktoru Klasa, zbog dostavljanja netačnih i pogrešnih informacija u postupku ocjene koncentracije.

Privredni subjekat Klas i ovlaštena osoba Vahid Pašović, direktor Klasa su dana 05. juna 2009. godine pred Sudom Bosne i Hercegovine tužbom, broj: U-203/09, pokrenuli upravni spor protiv rješenja Konkurencijskog vijeća, broj: 06-26-033-65-II/08, od 06. aprila 2009. godine.

S obzirom da je upravni spor pred Sudom Bosne i Hercegovine, pokrenut tužbom broj: U-203/09 od 05. juna 2009 godine, u toku, nisu se stekli uslovi za pokretanje upravnog postupka, odnosno razmatranja Prijave privrednog subjekta Klas i privrednog subjekta Sprind, zaprimljene dana 05. oktobra 2010. godine, pod brojem : 01-02-26-1-024-II/10, te je odlučeno kao u dispozitivu.

### **Pouka o pravnom lijeku**

Protiv ovog zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema odnosno objavljivanja ovog Zaključka.